

## **Održana konferencija u cilju unapređenja dostupnosti lijekova u BiH**

„Harmonizacija pravnog okvira za odobravanje lijekova u Bosni i Hercegovini sa evropskim pravnim okvirom“ u organizaciji Agencije za lijekove i medicinska sredstva Bosne i Hercegovine donijela je niz konstruktivnih prijedloga koji imaju samo jedan cilj – unaprijediti dostupnost efikasnih i bezbjednih lijekova za pacijente u BiH.

Na zadovoljstvo svih učesnika, Radionica je protekla u radnoj i kreativnoj atmosferi, otvorenoj diskusiji i pozitivnoj energiji, a sve s ciljem iznalaženja što boljih rješenja za poboljšanje dostupnosti kvalitetnih, efikasnih i bezbjednih lijekova pacijentima u BiH.

Takođe, imali smo čast ugostiti i kolegice iz Hrvatske Agencije za lijekove i medicinske proizvode (HALMED), te čuti njihova iskustva i izazove koje su imali prilikom ulaska u EU, što je rezultiralo konstruktivnim savjetima ka nama.

Budući da je ova konferencija izazvala veliku pažnju svih učesnika, Agencija za lijekove i medicinska sredstva BiH planira da u narednom periodu organizuje konferenciju na temu ispitivanja i kontrole kvaliteta lijekova. Riječ je o važnoj temi kojom se nastoji unaprijediti oblast kontrole lijekova i dodatno pojasniti značaj same kontrole za efikasnije i bezbjednije lijekove u BiH.

Naime, namjera Agencije za lijekove i medicinska sredstva u BiH da u narednom periodu dodatno promoviše ulogu Agencije u zaštiti i promociji zdravlja stanovništva, o čemu svjedoče i ove konferencije koje će doprinijeti efikasnijoj ulozi agencije u konačnici unapređenja zaštite zdravlja stanovništva u BiH.













